



KEMENTERIAN TENAGA DAN SUMBER ASLI

KERATAN SURAT KHABAR

SURAT KHABAR	:	BH		
TARIKH	:	29/7/2021 (KHAMIS)	MUKA SURAT	: 22
JABATAN	:	PERHILITAN		



Kakitangan PERHILITAN menyelamatkan tapir jantan seberat 310kg di kawasan kebun, Kampung Kolam, Seremban, semalam.

BH, 29 Jul (Foto BERNAMA)

2021_22

PERHILITAN selamatkan tapir jatuh dari tebing

Seremban: Seekor tapir jantan seberat 310 kilogram diselamatkan selepas terjatuh dari tebing setinggi lima meter di kawasan kebun di Kampung Kolam, Jalan Pantai, di sini semalam.

Pengarah Jabatan Perlindungan Hidupan Liar dan Taman Negara (PERHILITAN) Negeri Sembilan, Wan Mat Wan Harun, berkata pihaknya menerima aduan mengenai tapir yang ditemui cedera di bawah tebing itu pada jam 8.10 pagi.

Katanya, operasi menyelamatkan dilakukan 10 kakitangan Jabatan Perhilitan Negeri Sembilan bersama sepasukan anggota Balai Bomba dan Penyelamat Seremban.

“Siasatan awal mendapati berlaku pembinaan di jalan berkenaan. Tapir itu berkemungkinan sedang merayau di jalan itu pada waktu malam sebelum terjatuh dari tebing berkenaan.

“Hasil pemeriksaan awal mendapati tapir itu cedera pada bahagian pinggul serta kaki dan pemeriksaan lanjut sedang dijalankan,” katanya.

Wan Mat berkata, kawasan kebun itu sering menjadi laluan tapir kerana berhampiran hutan simpan.

Beliau berkata, tapir itu diberikan rawatan awal oleh pegawai veterinar PERHILITAN sebelum dibawa ke Pusat Menyelamat Hidupan Liar Kebangsaan (NWRC), Sungkai, Perak untuk rawatan susulan. BERNAMA

“Hasil pemeriksaan awal mendapati tapir itu cedera pada bahagian pinggul serta kaki dan pemeriksaan lanjut sedang dijalankan”

Wan Mat Wan Harun,
Pengarah Jabatan
Perhilitan Negeri
Sembilan



Unit Komunikasi Korporat | Kementerian Tenaga dan Sumber Asli
No. Tel. : 03-8000 8000 | Faks : 03-8889 4763 | Web : www.ketsa.gov.my

